

四庫全書

史部

欽定四庫全書

史部

欽定續通志卷一百八十五至
七

通鑑副使臣施朝幹覆勘

總校官原任侍講臣王燕緒

欽定四庫全書

欽定續通志卷一百八十五

宗室傳

唐五

玄宗諸子

奉天皇帝琮 太子瑛

棣王琰

鄂王瑤 靖恭太子琬

光王琒

潁王璣 永王璘

壽王瑁

延王玠

盛王琦

豐王珙

汴王璣

肅宗諸子

越王係

承天皇帝倓

彭王僅

襄王儼

煊

恭懿太子侶

玄宗三十子劉華妃生琮第六子琬第十二子璿趙麗妃生瑛元獻皇后生肅宗皇帝錢妃生琰皇甫德儀生瑤劉才人生琚武惠妃生一第十五子敏第十八子瑁

第二十一子琦高婕妤生璫郭順儀生璘柳婕妤生玠
鍾美人生環盧美人生瑄閻才人生玼王美人生珪陳
才人生珙鄭才人生瑱武賢儀生璿第三十子璫餘七
子天母氏失傳

奉天皇帝琮景雲元年王許昌郡與真定王同封先天
元年進王郊與郢王同封開元四年領安西大都護安
撫河東關內隴右諸蕃大使十三年徙王慶與忠棟榮
光儀頴永壽延盛濟十一王同封十五年與十王並領

節度不出閣琮以涼州都督兼河西諸軍節度大使天

寶元年改節河東十載薨

舊書亦作十載按吳縝糾繆云玄宗紀天寶十一載五月

戊申慶王琮薨傳恐誤

贈太子諡靖德肅宗立進諡奉天皇帝妃

竇為恭應皇后詔尚書右僕射裴冕持節改葬羣臣素

服臨送達禮門帝御門哭墓號齊陵無子以太子瑛子

休嗣王琮始名嗣直太子嗣謙棣王嗣真鄂王嗣初靖

恭太子嗣玄開元十三年更名曰潭曰鴻曰洽曰涓曰

湜後十年改今名

太子瑛始王真定進王郢開元三年立為皇太子七年
詔太子諸王入國學行齒胄禮太常擇日謁孔子太子
獻詔右散騎常侍褚無量執經羣臣學官諸生以差賜
帛明年瑛加元服見太廟十六年詔九品官息女可配
太子者有司採閱待進止以太常少卿薛紹女為妃帝
種麥苑中瑛諸王侍登帝曰是將薦宗廟故親之亦欲
若等知稼穡之難初瑛母以倡進善歌舞帝在潞得幸
及即位擢妃父元禮兄常奴皆至大官鄂光二王母亦

帝為臨淄王時以色選及武惠妃寵幸傾後宮生壽王
愛與諸子絕等而太子二王以母失職頗怏怏惠妃女
咸宜公主壻楊洄揣妃旨伺太子短譚為醜語惠妃訴
于帝且泣帝大怒召宰相議廢之中書令張九齡諫曰
太子諸王日受聖訓天下共慶陛下享國久子孫蕃衍
奈何一日棄三子父子之道天性也雖有失尚當掩之
惟陛下裁赦帝默然太子得不廢俄而九齡罷李林甫
專國數稱壽王美以動妃意妃果德之二十五年洄復

構瑛瑤琚與妃之兄薛鏞異謀惠妃使人詭召太子二
王曰宮中有賊請介以入太子從之妃白帝曰太子二
王謀反甲而來帝使中人視之如言遽召宰相林甫議
答曰陛下家事非臣所宜豫帝意決乃詔太子瑛鄂王
瑤光王琚同惡均罪並廢為庶人鏞賜死瑛瑤琚尋遇害
天下冤之號三庶人寶應元年詔贈瑛皇太子瑤等復
王瑛子五人儼伸倩球備

舊書瑛有六男儼伸倩球備
儼按世系表亦載六人傳恐

誤瑛之廢帝使慶王畜儼等為子儼封新平郡王伸平

原郡王侁嗣慶王備太僕卿倩失傳

棣王琰開元二年始王鄆與鄆鄆二王同封後徙王棣
領太原牧太原以北諸軍節度大使天寶初為武威郡
都督經畧節度河西隴右會妃韋以過置別室而二孺
人爭寵不平求巫者密置符琰履中以求媚讐人告琰
厭魅上帝伺其朝使人取履視之信帝怒責琰琰頓首
謝曰臣罪宜死然臣與婦不相見二年有二孺人爭長
臣恐此三人為之及推果驗然帝猶疑琰怒未置太子

以下皆為請乃囚於鷹狗坊以憂薨妃緇之女無子還

本宗琰凡五十五子得王者四人

按舊書不載順化王倭故云封為王者三

人與此互異

僕王汝南郡僑宜都俊濟南倭順化僚太僕卿

俠國子祭酒仁殿中監俊祕書監寶應元年詔復琰王
爵

鄂王瑤既封遙領幽州都督河北節度大使開元二十
三年與榮光儀穎永壽延盛濟信義十一王並授開
府儀同三司實封二千戶詔詣東宮尚書省上日百官集

送有司供張設樂是日悉拜王府屬然未有府也而選任冒濫時不以為榮

靖恭太子琬始王郵徙王榮為京兆牧領隴右節度大
使又詔親巡按隴右選關內河東飛騎五萬防盛秋累
兼單于安北大都督安祿山反詔琬為征討元帥募河
隴兵屯陝以高仙芝副之會薨琬風格秀整有素望中
外倚之及薨莫不為國悵恨詔加贈謚琬男女五十八
人得王者三人

按舊書云封為郡王者二而不載陳畱王倩世系表則尚有文安郡王像而不

止三人與此互異

俯王濟陰郡偕北平倩陳留原衛尉卿儋祕

書監佩鴻臚卿

光王琚開元十三年始王與儀潁永壽延盛濟七王同
封俄領廣州都督勇力善騎射帝愛之與鄂王同居友
睦甚皆篤學既廢無嗣初琚名淥儀王濞潁王灋永王
澤壽王清延王洄盛王沘濟王湓信王沔義王漼陳王
止豐王澄恒王惠涼王滋汴王滔至二十三年詔悉改
今名

夏悼王一生韶秀以母寵故鍾愛命之曰一未免懷薨
追爵及諡時帝在東都故葬龍門東岑欲宮中望見云
儀王璵既封授河南

舊書作河西

牧薨贈太傅子仇王鍾陵

郡健廣陵

按世系表有副儀王僊

潁王璵喜讀書好文辭開元十五年遙領安東都護安
祿山反詔領劍南節度大使以楊國忠為之副帝西出
令御史大夫魏方進為置頓使移書劍南屬郡託璵之
藩大設儲侍璵先即鎮更以蜀郡長史崔圓為副璵濟

江舟中以綵席藉步命徹之曰此可寢奈何踐之璫之
出遽不及受節司馬史賁請建大槃蒙油囊先驅以威
道路璫笑曰既為真王矣安用假節為將至成都崔圓
迎拜馬前璫不為禮圓銜之璫視事再踰月人便其寬
圓奏罷居內宅乃詔宣慰肅宗於彭原從還京師建中
四年薨年六十六子仲為滎陽王偁高邑王倪楚國公
傅夔國公

懷恩

舊書作
懷哀

王敏貌豐秀若圖畫帝愛之甫晬薨追爵

及謚祔葬敬陵

永王璘少失母肅宗自養視之長聰敏好學貌陋甚不能正視既封領荊州大都督安祿山反帝至扶風詔璘即日赴鎮俄又領山南江西嶺南黔中四道節度使以少府監竇昭為副璘至江陵募士得數萬補署郎官御史時江淮租賦鉅億萬在所山委璘生宮中於事不通曉見富且強遂有闕江左意以薛鏐李臺卿韋子春劉巨鱗蔡駟為謀主肅宗聞之詔璘還覲上皇于蜀璘不

從其子襄城王陽剛驚乏謀亦樂亂勸璘取金陵即引
舟師東下甲士五千趨廣陵以渾惟明李廣琛高仙琦
為將然未敢顯言取江左也會吳郡採訪使李希言平
牒璘因發怒曰寡人上皇子皇帝弟地尊禮絕今希
言乃平牒抗威落筆署字何耶乃使惟明襲希言而令
廣琛趨廣陵攻採訪使李成式璘至當塗希言已屯丹
陽遣將元景曜等拒戰不勝降於璘江淮震動明年肅
宗遣宦者啖廷瑤等與成式謀招諭之時河南招討判

官李銑在廣陵有兵千餘

舊書作有騎一百八十人

廷瑤邀銑屯楊

子成式又遣裴戎以廣陵卒三千戍伊婁埭張旗幟太
閱士璘與楊登陴望之有懼色廣琛知事不集乃召諸
將割臂而盟以貳於璘於是惟明奔江寧馮季康奔白
沙廣琛以兵六千奔廣陵璘使琦追躡之廣琛曰我德
王故不忍決戰逃命歸國耳若逼我且決死追者止乃
免是夜銑陣江北夜然束葦人執二炬景亂水中覘者
以倍告璘軍亦舉火應之璘疑王師已濟攜兒女及麾

下遁去遲明覺其紿復入城具舟楫使傷驅衆趨晉陵
謀者告曰王走矣成式以兵進先鋒至新豐璘使傷仙
琦逆擊之銑合勢張左右翼射傷中肩軍遂敗仙琦與
璘奔鄱陽司馬閉城拒璘怒焚城門入之收庫兵掠餘
千將南走嶺外皇甫旆兵追及之戰大庾嶺璘中矢被
執旆殺之傷為亂兵所害仙琦逃去璘未敗時上皇下
詔降為庶人徙置房陵及死旆送妻子至蜀上皇傷悼
久之肅宗以少所自鞠不宣其罪謂左右曰皇甫旆執

吾弟不送之蜀而擅殺之何邪由是不復用薛鏐等皆
伏誅子儼為餘姚王偵莒國公儼邲國公伶儀並國子
祭酒

壽王瑁母惠妃頻姪不育及瑁生寧王請養邸中元妃
自乳之名為已子故封比諸王最後開元十五年遙領
益州大都督初帝以永王等尚幼詔不入謁瑁七歲請
與諸兄衆謝拜舞有儀矩帝異之寧王薨請制服以報
私恩詔可大厯十年薨贈太傅子王者三人俊王德陽

郡怀濟陽郡僊廣陽郡仇薛國公傑國子祭酒

世系表尚有膝

國公侑嗣
壽王存志

延王玠母尚書左丞範之孫帝重其名家而玠亦仁愛
有學既封遙領安西大都護帝入蜀玠凡三十六子不
忍棄故徐進數日見行在所帝怒漢中王瑀申救得解
聽歸靈武興元元年薨子倬王彭城郡徙平陽僚魯國
公偃荆國公仇太僕卿

盛宣王

舊書及世系表俱無宣字

琦既封領揚州大都督帝之西詔

為廣陵大都督淮南江東河南節度大使以劉彙為副
李成式為副大使琦不行廣德二年薨贈太傅子償封
真定王佩武都王

世系表作
信都王佩

俗徐國公係許國公

濟王環逸其薨年子儵王永嘉郡俛平樂郡

信王瑄開元二十一年始王與義陳豐恒涼汴六王同
封子伋封新安王侗晉陵王

義王玼與信王並失薨年子儀為舞陽王儻高密王

陳王珪二十一子得王者三人

按舊書云封為王者二人而不載安南郡王倫

世系表尚有宣城郡王儼則
又不止三人也彼此互異

倫王安南郡陀臨淮校安

陽

豐王珙已封為左衛大將軍帝至普安授珙武威都督

河西隴右安西北庭節度大使

舊書作支度
棟訪使

以隴西太守

鄧景山為副珙不行廣德初吐蕃入京師代宗幸陝將

軍王懷忠閉苑門以五百騎劫諸王西迎吐蕃遇郭子

儀懷忠曰帝東遷宗社無主今僕奉諸王西奔以係天

下望公為元帥惟所廢置子儀未對珙輒曰公何如司

馬王延昌質責珙曰帝雖蒙塵未有失德王為藩翰安得狂悖之言子儀亦讓之即護送行在所帝赦不責珙語不遜羣臣恐其亂請除之乃賜死子佻為齊安王恒王瑱好方士常服道士服從帝幸蜀還代宗時薨涼王璿母高平王重規之女宮中號小武妃者璿薨代宗時子佻為瀘陽郡王

汴哀王璿於諸子為最少初封纔數歲容貌秀澈有成人風帝愛之開元二十三年授右千牛衛大將軍明年

薨

肅宗十四子章敬皇后生代宗皇帝宮人孫生係張生
倓王生倓陳婕妤生僅韋妃生憫張美人生倓後宮生
榮裴昭儀生儻段婕妤生倓崔妃生憫張皇后生侶倓
後宮生儻

越王係生開元時玄宗末年悉王太子子故係王南陽
郡帝即位至德二載進王趙與彭充涇鄆襄杞召興定
九王同封乾元二年九節度兵潰河北朝廷震駭乃以

李光弼代郭子儀總兵關東而光弼請賢王為帥於是詔係充天下兵馬元帥而光弼以司空兼侍中薊國公副知節度行營事係畱京師史思明陷洛陽係請行不聽明年從王越帝寢疾皇太子監國張皇后與中人李輔國有隙因召太子入宮令除輔國及程元振太子泣曰此二人者陛下勲舊而帝體不豫重以此事得無震驚乎願出外徐計之后曰是難與共事者乃召係曰汝能行此乎係許諾即遣內謁者監段恒俊選材勇宦者

二百人授甲長生殿以帝命召太子元振以告輔國乃相與勒兵凌霄門迎太子以難告太子曰帝疾亟吾可懼死不赴乎元振曰赴則及禍乃以兵護太子止飛龍殿勒兵夜入三殿收係及恒俊等百餘人繫之幽后別殿后及係皆為輔國所害係三子建王武威郡道興道逾齊國公

承天皇帝倓始王建寧英毅有才畧善騎射祿山亂典親兵扈車駕度渭百姓遮道留太子太子使喻曰至尊

播遷吾可以違左右乎倓進說曰大孝莫若安社稷殿下當募豪傑趣河西收牧馬今防邊屯士不下十萬而光弼子儀全軍在河朔與謀興復策之上者廣平王亦贊之於是議定太子北過渭兵仗監惡士氣崩沮日數十戰倓以驍騎數百從每接戰常身先血殷袂不告也太子或過時未食倓輒涕泗不自勝三軍皆屬目至靈武太子即帝位議以倓為天下兵馬元帥左右固請廣平王帝曰廣平既冢嗣安用元帥答曰太子從曰撫軍

守曰監國元帥撫軍也莫宜於廣平王帝從之更詔倓
與親軍以李輔國為府司馬時張良娣有寵與輔國交
構欲以動皇嗣者倓忠謇數為帝言之由是為良娣輔
國所譖妄曰倓恨不總兵鬱鬱有異志帝惑偏語賜倓
死

謹按通鑑輯覽

御批

孟子稱德慧術智存乎疾疾肅宗為太子受困楊李疾
疾已甚宜其操心慮患矣乃即位以後宦妻交煽甘蹈前

車既不能保其子且不能安俄悔悟明年廣平王收二京
其父豈所謂下愚不移者乎

使李泌獻捷泌與帝雅素從容語倓事帝改容曰倓於

艱難時實自有力為細人間閱欲害其兄我計社稷割
愛而為之所泌曰爾時臣在河西知其詳廣平於兄弟
篤睦至今言建寧則嗚咽不自已陛下此言得之讒口
耳帝泣下曰事已爾未耐何泌曰陛下嘗聞黃臺瓜乎
高宗有八子天后所生者四人自為行而睿宗最幼長
曰弘為太子仁明孝友后方圖臨朝鳩殺之而立次子
賢賢日憂惕每侍帝不敢有言乃作樂章使工歌之欲
以感悟帝及后其曰種瓜黃臺下瓜熟子離離一摘使

瓜好再摘令瓜稀三摘尚云可四摘抱蔓歸而賢終為
后所斥死黔中陛下今一摘矣慎無再帝愕然曰公安
得是言是時廣平有大功亦為后所構故泌因對及之
廣平遂安及即位追贈倓齊王大厯三年進謚承天皇
帝以興信公主季女張為恭順皇后冥配焉葬順陵祔
主奉天皇帝廟同殿異室云初李泌請加贈倓代宗曰
倓性忠孝而困於讒追帝之若何答曰開元中上皇兄
弟皆贈太子帝曰是特祖宗友愛耳豈若倓有功乎於

是追帝號遣使迎喪彭原觀者皆為垂泣

衛王佖始王西平蚤薨寶應元年與鄆王同追封

彭王僅始王新城進封彭史思明陷河洛人心震騷羣臣請以諸王臨統方鎮兵遙相維壓於是詔僅充河西節度充王北庭涇王隴右杞王陝西興王鳳翔並為大使是歲僅薨子鎮為常山郡王

兗王儁始王潁川進王充寶應元年薨

涇王佺始王東陽進王涇興元元年薨

郢王榮始王靈昌蚤薨追封

襄王儻至德二載始王與杞召興定四王同封貞元七年薨子宣為伊吾郡王宋樂安王宣裔孫煊

煊性謹柔材無過人者光啓二年田令孜逼僖宗幸興元邠寧節度使朱玫以五千騎追乘輿不及煊以疾不能從玫刼之駐鳳翔得臺省官百餘乃脅宰相蕭遘等率羣臣盟石鼻驛奉煊為嗣襄王監軍國事因還京師即封拜官屬初遘執不可於是罷遘而玫自為侍中以

裴澈為門下侍郎鄭昌圖中書侍郎皆平章事遣柳陟等十餘人分諭天下嗣襄王所以監國意皆得進官孜又脅太子太師裴璩等奉牋勸進煬五讓乃即位改元建貞尊僖宗為太上元皇聖帝河中節度使王重榮率諸藩貢奉歸者十八九而蔡州秦宗權自僭號惟太原李克用不從時帝遣使喻重榮克用故二人聽命樞密使楊復恭等傳檄三輔募能斬孜者以邠寧節度畀之其偽將王行瑜自鳳州入京師殺孜而煬與澈昌圖并

官屬奔東渭橋重榮紹使迎之至蒲執殺之因械澈等
于獄誅殺偽官函煊首至行在所煊即偽位凡九月敗
始煊首至羣臣白帝御興元南門受之百官稱賀太常
博士殷盈孫奏言煊皇族以不能固節迫脅至此宜廢
為庶人絕屬籍葬以庶人禮大捷之慶須朱玫首至乃
賀詔可

杞王倓貞元十四年薨

召王僖元和元年薨

恭懿太子伋始封興王上元元年薨伋生后方專愛帝
最憐之后數撼儲嫡欲以伋嗣會薨計塞冊贈皇太子
定王侗寶應初薨

宋王僖初王淮陽早薨追封

新書不載今
依舊書補

欽定續通志卷一百八十五

欽定四庫全書

欽定續通志卷一百八十六

宗室傳

唐六

代宗諸子

昭靖太子邈 睦王述

德宗諸子

舒王誼 通王諲

虔王諒

肅王詳

文敬太子諫

順宗諸子

郊王經

憲宗諸子

惠昭太子寧
澧王惲

絳王悟

建王恪

穆宗諸子

懷懿太子湊
安王溶

敬宗諸子

悼懷太子普 陳王成美

文宗諸子

莊恪太子永

武宗諸子

宣宗諸子

通王滋

懿宗諸子

吉王保

僖宗諸子

昭宗諸子

德王裕

代宗二十子睿真皇后生德宗皇帝崔妃生邈貞懿皇
后生迥十七王史亡其母之氏位

昭靖太子邈好學以賢聞上元二年始王益昌帝即位
寶應元年進王鄭與韓王同封淄青牙將李懷玉遂其

帥侯希逸詔邈為平盧淄青節度大使以懷王知留後

大厯初代皇太子為天下兵馬元帥八年

舊書作九年

薨遂

罷元帥府

均王遐早薨貞元八年追封

睦王述大厯十年

舊書作九年

田承嗣不臣而昭靖天無彊

王帝乃悉王諸子領諸鎮軍威天下於是以述為睦王

領嶺南節度逾柳王渭北鄜坊節度過韓王汴宋節度

造忻王昭義節度皆為大使連為恩王遘鄜王暹韶王

遇端王通循王通恭王遠原王逸雅王竝開府儀同三司然不出閤德宗建中初周天下訪太后所在述於諸王最長故拜奉迎太后使以工部尚書喬琳副之貞元七年薨丹王逾始王柳建中四年與簡王同徙封元和十五年薨

恩王連元和十二年薨

韓王迥始王延慶郡以母寵故與鄭王先徙封貞元十二年薨

簡王遘始王郎徙封簡元和四年薨

益王迺大厯十四年始王亡薨年

隋王迅興元元年薨

荆王選蚤薨建中二年追王

蜀王邈本名遂大厯十四年始王建中二年改今名

忻王造元和六年薨

韶王暹貞元十二年薨

嘉王運貞元十七年薨

端王遇貞元七年薨

循王適亡薨年

恭王通亡薨年

原王達太和六年薨

雅王逸貞元十五年薨

德宗十一子昭德皇后生順宗皇帝帝取昭靖太子子

誼為第二子又取順宗子諱為第六子餘八王史亡其

母之氏位

舒王誼初名謨帝愛其幼取為子大厯十四年始王舒
與通虔肅資四王同封拜開府儀同三司詔有司給奉
稍俄以軍興罷謨於諸王最長帝欲試以事故拜涇原
節度大使時尚父郭子儀病篤帝臨軒遣謨持詔徃視
謨冠遠遊冠御絳袍乘象輅四馬飛龍士三百國府官
皆袴褶以從子儀叩頭謝恩謨宣詔已乃易服勞問
還於是李希烈反招討使李勉戰不勝奔宋州朝廷大
震乃拜謨揚州大都督荆襄江西沔鄂節度使諸軍行

營兵馬都元帥改名誼軍中以哥舒翰由元帥敗而王所封同之帝乃使徙王晉未及行涇原兵士反誼從帝出奉天朱泚攻城誼晝夜傳勞諸軍不解帶帝還京師復故封揚州大都督如故永貞元年薨

通王譔始王拜開府儀同三司貞元九年領宣武節度大使以李萬榮為留後二年徙河東以李說為留後皆不出閣

虔王諒以王拜開府儀同三司貞元二年領蔡州節度

大使以吳少誠為留後十年徙節朔方靈鹽以李樂為留後明年領橫海又徙徐州以程懷信張愔為留後不

出閣

肅王詳資秀異帝愛之建中二年

按吳縝糾繆云德宗紀建中三年十月肅

王詳薨與傳呈一年今考舊書亦作三年傳誤

薨甫四歲帝欲用浮屠說塔而

不墳禮儀判官李岩諫非禮乃止詔贈揚州大都督

文敬太子諒見愛於帝命為子貞元初

舊書作貞元四年

先諸

王王邕歷義武昭義二軍節度大使以張茂昭王虔休

為留後不出閤十五年薨年十八追贈及諡

資王謙亡薨年

代王諲始王縉雲郡蚤薨建中二年追王

昭王誠貞元二十一年始王亡薨年

欽王諤順宗即位與珍王同封亡薨年

珍王誠大和六年薨

順宗二十七子莊憲皇后生憲宗皇帝及綰張昭訓生

經趙昭儀生結王昭儀生總約緄

按世系表作二十二子
舊書作二十三子又云

王貽儀生鄭王經王貽
訓生衡王絢並與此異

餘二十王史亡母之氏位四王

蚤薨亡官諡

郟王經本名渙貞元四年始王建康郡與廣陵洋川臨
淮弘農漢東晉陵高平雲安宣城德陽河東洛交十二
王同封二十一年又與均淑莒密郇邵宋集冀和衡欽
會珍福撫岳袁桂翼二十王皆進王王二十九年太和
八年薨

均王緯初名沔王洋川後進王王三十三年開成二年

薨

淑王縱初名洵王臨淮後進王王三十二年開成元年

薨

莒王紆初名浼為秘書監王弘農後進王王二十九年

太和八年薨

密王綢初名泳王漢東後進王王三年元和二年薨

郇王總初名湜授少府監王晉陵後進王王四年元和

三年薨

邵王約初名淑為國子祭酒王高平進王王二年元和元年薨

宋王結初名滋王雲安進王王十八年長慶二年薨
集王綰初名淮王宣城進王王十八年長慶二年薨

冀王絳初名湑為太常卿王德陽進王王三十年太和九年薨

和王綺初名浥王河東進王王二十八年太和七年薨
衛王綯王二十二年寶曆二年薨

會王纁王六年元和五年薨

福王綰歷魏博節度大使咸通元年進拜司空王五十

七年咸通二年薨

珍王繕初名況王洛交後進王亡薨年

撫王紘咸通初歷司空又進司徒太尉王七十三年乾

符三年薨

岳王緄王二十三年太和二年薨

袁王紳王五十六年咸通元年

舊書作太和十四年

薨

桂王綸王十年元和九年薨

翼王綽王五十八年咸通三年薨

蘄王緝王六年咸通八年薨

舊書作咸通八年封誤

欽王績亡薨年

德宗十二子紀美人生寧懿安皇后生穆宗皇帝孝明
皇后生宣宗皇帝餘十七王皆後宮所生史逸其母之
號氏

惠昭太子寧貞元二十一年始王平原與同安彭城高

密文安四王同封帝卽位進王鄧與澧深洋絳四王同封於是國嗣未立李絳等建言陛下受命四年而冢子未建是開窺覷之端乖慎重之義非所以承列聖示萬世帝曰善以寧為皇太子更名宙未幾復初名冊禮用孟夏雨不克改用孟秋亦雨冬十月克行礼明年薨年十九

澧王惲始王同安封後進王惠昭之喪吐突承璀議復立儲副意屬惲帝自以穆宗為太子帝崩之夕承璀死

王被殺秘不發喪久之以告廢朝三日三子曰漢王東陽郡曰源安陸曰演臨安初憚名寬深王察洋王褰絳王寮建王審元和七年竝改今名

深王悰始王彭城郡進王深子潭王河內淑吳興

洋王忻始王高密進王洋太和二年薨子沛王潁川郡

絳王悟始王文安進王敬宗崩蘇佐明等矯詔以王領

軍國事王守澄等立文宗王見殺二子洙王新安滂高

平

建王恪元和元年始封時淄青節度使李師古死其弟
師道勾符節故詔恪為鄆州大都督平盧軍淄青等州
節度大使以師道為留後然不出閤長慶元年薨無嗣
鄜王憬長慶元年始王與瓊沔婺茂淄衢澶七王同封
開成四年薨子溥平陽郡王

瓊王悅子津河間郡王

沔王恂子瀛晉陵郡王

婺王懌子清新平郡王

茂王愔子德武功郡王

淄王協開成元年薨子澣許昌郡王渙馮翊郡王

衡

按吳鎮糾謬云穆宗紀及廊王憬傳俱作衡今考世系表亦作衡本傳蓋仍舊書之誤也王愔子

涉晉平郡王

澶王怱子淳雁門郡王

棣王惲大中六年始王與彭信二王同封

按吳鎮糾謬云本紀大中

三年封弟惲為彭王六年封弟惲為棣王咸通元年封叔怱為信王則非同時受封也今考舊書諸王傳與新

書紀相符

咸通三年薨無嗣

本傳誤

彭王惕乾寧中韓建殺之石隄谷無嗣

信王懌

按吳縝糾謬云懿宗紀作怵與傳不同必有一誤今考舊書亦作愾當以傳為是

咸通八年

夢無嗣

榮王憤咸通三年始王廣明初拜司空子令平嗣王凡八

王史失其薨年

按吳縝糾謬云八王深王瓊王沔王嬖
王茂王衡王懷王榮王也然僖宗紀載

廣明初元年八月癸卯榮王愐薨而本傳亦謂史失之誤矣今考舊書榮王傳亦載薨年但月日不同耳

穆宗五子恭僖皇后生敬宗皇帝貞獻皇后生文宗皇帝宣懿皇后生武宗皇帝餘二王亡其母之氏位

懷懿太子湊少雅裕有尋矩長慶元年始王漳與安王同封文宗即位疾王守澄頗狠引支黨撓國謀欲盡誅之密引宰相宋申錫使為計守澄客鄭注伺知之以告乃謀先事殺申錫又以王賢有中外望因欲株聯大臣族夷之乃令神策虞候豆盧著上飛變且言宮史晏敬則朱訓與申錫昵吏王師文圖不軌即捕訓等繫神策獄榜掠定其辭諫官羣伏閤極言出獄牒付外雜治注等懼事洩乃請下詔貶王帝未之悟因黜湊為巢縣公時

太和五年也命中人持詔即賜且慰曰國法當爾無它

憂八年

文宗紀
作九年

薨贈齊王注後以罪誅帝哀湊被讒死

不自明開成三年追贈

安王溶初楊賢妃得寵於文宗晚稍多疾妃陰請以王為嗣
密為自安地帝與宰相李珣謀珣謂不可乃止及帝崩仇士
良立武宗欲重己功即擢溶嘗欲以為太子事殺之

敬宗五子妃郭氏生普餘四王亡母之氏位

悼懷太子普姿性韶悟寶曆元年始王晉文宗愛之若

己子嘗欲為嗣太和二年薨帝惻念不能已故贈卹加焉

梁王休復文宗開成二年與襄紀陳三王同封

襄王執中子案樂平郡王

紀王言揚

陳王成美初文宗以莊恪薨大臣數請建東宮開成四

年帝乃立成美為皇太子典冊未具而帝崩仇士良立

武宗殺之於邸子儼王宣城郡

按宣城郡王儼世系表列玄宗子陳王珪下而

珪傳不載本傳載儼而世系表無嗣彼此互異考舊書亦載入本傳中則世系表誤也

文宗二子王德妃生永後宮生宗儉

莊恪太子永大和四年始王魯帝以王幼宜得賢輔因召見傅和元亮元亮以卒史進有所問不能答帝責謂宰相王可教官屬應任士大夫賢者寧元亮比邪於是劇選戶部侍郎庾敬休兼王傅太常卿鄭肅兼長史戶部郎中李踐方兼司馬六年遂立為皇太子帝承寶歷荒怠身勤儉率天下謂晉王生謹敏欲引為嗣會蚤夭故

久不議東宮事及太子立天下屬心焉開成三年詔宮
臣詣崇明門謁朔望侍讀偶日入對太子稍事燕豫不
能壹循法保傅戒告愬不納又母愛弛楊賢妃方幸數
譖之帝它日震怒御延英引見羣臣議廢之羣臣頓首
諫御史中丞狄兼謩流涕固爭帝未決罷羣臣又連章
論救意稍釋詔太子還少陽院以中人護視誅倖昵數
十人敕侍讀竇宗直周敬復詣院授經然太子終不能
自白其讒而行已亦不加修也是年暴薨帝悔之明年

下詔以陳王為太子置酒殿中有俳兒緣幢父畏其顛
環走幢下帝感動謂左右曰朕有天下返不能全一兒
乎因泣卽取坊工劉楚才等數人付京兆榜殺之及禁
中女倡十人斃永巷皆短毀太子者

蔣王宗儉開成二年始王亡薨年

武宗五子其母氏位皆不傳

杞王峻開成五年始王

益王峴會昌二年始王與兗德昌三王同封

充王岐

德王嶧

昌王嵯竝逸其薨年

宣宗十一子元昭太后生懿宗皇帝餘皆亡其母之氏位

靖懷太子漢會昌六年始王雍與夔慶二王同封大中六年薨有詔追冊

雅王湮大中元年始王亡薨年

通王滋會昌六年始王夔與慶王沂同封帝初詔鄆王
居十六宅餘五王處大明宮內院以諫議大夫鄭漳兵
部郎中李鄴為侍讀五日一謁乾符門為王授經鄆王
立為懿宗乃罷滋徙為通王昭宗乾寧三年領侍衛諸
軍是時誅王行瑜而李茂貞怨以兵入覲詔滋與諸王
分統安聖奉宸保寧安化軍衛京師天子將狩太原韓
建道迎之留次華州建畏王等有兵遣人上急變告諸
王欲殺建脅帝幸河中帝驚召建諭之稱疾不肯入敕

滋與睦王濟王韶王彭王韓王沂王陳王謁建自解建
留軍中奏言中外異體臣不可以私見又言晉八王擅
權卒敗天下請歸十六宅悉罷所領兵帝不許建以兵
環行在請誅大將李筠帝懼斬筠以謝建盡逐衛兵自
是天子孤弱矣初帝使嗣延王戒丕嗣丹王允往見李
克用二王還建惡之又嗣覃王嘗督軍伐茂貞於是劾
奏比歲兵纏近輔諸王階其禍使乘輿越在下藩不得
安臣已請解其兵今延覃丹三王尚陰計危國請誅之

帝曰渠至是邪後三日與劉季述矯詔以兵攻十六宅諸王被髮乘垣走或升屋極號曰帝救我建乃將十一王并其屬至石堤谷殺之徐以謀反聞天下寃之濟韶

彭韓沂陳延輩丹九王史逸其系胄云

按吳鎮糾謬云昭宗紀韓建所害九

王彭王名暢憲宗子沂王名禮昭宗子此二王舉其名其系胄皆可考安得蔡云史逸之也傳文忍誤

慶王沂大中十四年薨

濮王澤大中二年始王亡薨年

鄂王澤大中五年始王乾符三年薨

懷王洽大中八年與昭康二王同封亡薨年

昭王訥乾符三年薨

康王汶乾符四年薨

廣王雍大中十一年始王與衛王同封乾符四年薨

衛王灌大中十四年薨

懿宗八子惠安皇后生僖宗皇帝恭憲皇后生昭宗皇帝
帝餘六王亡其母氏位

魏王侑咸通三年始王與涼蜀二王同封

涼王伉乾符六年薨

蜀王佶

威王侶咸通六年始王郢十年徙王

吉王保咸通十三年始王與睦王同封王於兄弟為最
賢始僖宗崩王最長將立之楊復恭獨議以昭宗嗣乾
寧元年李茂貞等以兵入京師謀廢帝立王會李克用
以兵逐行瑜乃止

恭哀太子倚初封睦王為劉季述所殺天復初追贈

僖宗二子史失其母氏位

建王震中和元年始王

益王昚光啓三年始王竝亡薨年

昭宗十七子

舊書作
十子

積善皇后生裕及哀皇帝餘皆失

母之氏位

德王裕大順二年始王帝幸華州韓建已奪諸王兵不自安乃請王皇子之末王者既又殺諸王因請立裕為皇太子釋言於四方時乾寧四年也劉季述等幽帝東

內奉裕卽皇帝位季述誅裕匿右軍或請殺之帝曰太子冲孺賊彊立之且何罪詔還少陽院復為王朱全忠自鳳翔還見王春秋盛標宇軒秀忌之密語崔胤曰王既竊帝矣大義滅親渠可留公任宰相盍啓之胤從容言如全忠意帝不許他日以語全忠全忠曰此國大事臣安敢與此必屑賣臣也乃免帝遷洛他日謂蔣玄暉曰德王朕愛子全忠奈何欲殺之言已泣下自齧指流血玄暉卽摘語全忠全忠恚帝被弑玄暉置酒邀諸王

九曲池飲酣皆殺之投尸水中

赧王初乾寧元年始王與虔沂遂三王同封

虔王禊

沂王禊

遂王禊

景王祕乾寧四年始王與祁王同封

祁王祺

瓊王祥光化元年始王與雅王同封

端王禎天佑元年始王與豐和登嘉四王同封

豐王祁

和王福

登王禧

嘉王祐

穎王禔天祐二年始王與蔡王祐同封

蔡王祐

欽定續通志卷一百八十六

欽定四庫全書

欽定續通志卷一百八十七

宗室傳

五代

梁

太祖二兄

全昱 存

太祖諸子

友裕

友珪

友璋

友孜

太祖二兄曰全昱曰存皆文惠皇后出

廣王全昱太祖即位封太祖與仲兄存俱亡為盜全昱獨與母寄食劉崇家太祖貴乃歸宣武領嶺南西道節度使以太師致仕太祖將受禪有司備禮前殿全昱視之顧太祖曰朱三爾作得否太祖燕居宮中與諸王飲博全昱酒酣取骰子擊盆而迸之呼曰朱三爾碣山一

百姓爾天子用汝為四鎮節度使於汝何負而滅唐家
三百年社稷吾見汝族矣安用博為太祖不悅罷會全
昱亦不樂在京師常居碭山故里三子皆封王友諒衡
王友能惠王友誨邵王乾化元年升宋州為宣武軍以

友諒為節度使

按唐藩鎮宣武軍治汴州而宋州屬焉梁既篡唐建汴為東都徙宣武軍於宋

州前全昱鄆宣武乃汴此友諒鎮宣武乃宋也

友諒進瑞麥一莖三穗太祖怒

曰今年宋州大水何用此為罷友諒居京師太祖卧病
全昱來視疾與太祖相持慟哭太祖為釋友諒使與東

歸貞明二年全昱卒諡德靖

諡法據通鑑增

徙衡王友諒嗣封

廣王友能為宋滑二州留後

按通鑑友諒罷鎮以兗海留後友能代之是友能先

為兗海留後也新舊史皆失載

陳州刺史所至為不法姦人多依倚之

左道母乙董乙聚眾稱天子建官屬友能縱不問乙等

攻劫州縣朝廷發兵始擊滅之康王友孜謀反誅末帝

始疎宗室皆反及貞明四年友能以陳州反犯京師至

陳留兵敗降末帝赦之降為房陵侯友誨為陝州節度

使欲以州兵為亂召還京師與友諒友能皆被幽莊宗

入汴並見殺

朗王存初與太祖俱從黃巢攻廣州存戰死子友寧友倫友寧字安仁太祖以為軍校太祖圍鳳翔遣友寧東備宣武王師範來襲圍齊州友寧引兵擊退之昭宗還京師拜友寧建武軍節度使太祖復遣攻師範屠博昌戰於石樓兵敗墜馬見殺友倫為元從馬軍指揮使表右威武將軍燕人攻魏內黃友倫以前鋒夜渡河奪馬千匹李罕之以潞州降梁晉人攻潞友倫以兵入取罕

之以歸太祖圍鳳翔晉人來襲友倫却之西會太祖於
鳳翔昭宗還長安拜友倫寧遠軍節度使太祖東歸留
友倫宿衛伺昭宗友倫擊鞠墜馬死太祖大怒以兵七
萬至河中遣友諒至京師殺宰相崔胤等太祖即位追
封存朗王友寧安王友倫密王

太祖八子長曰友裕次曰友珪友璋末帝友雍友徽友
孜其一養子曰友文

按歐史于唐太祖養子初立義兒
傳而梁祖養子若朱友恭友諫皆

別傳獨以友文入家人傳變
例見意論所謂著禍本也

友裕字端夫幼善騎射從征伐能以寬厚得士心太祖
與晉圍黃鄴於西華鄴卒荷稍登城罵敵晉王使騎連
射不能中太祖顧友裕一發中之軍中皆大驩呼晉王
喜遺友裕良弓百矢太祖鎮宣武以為衙內都指揮使
景福元年太祖攻鄆時朱宣在濮州遣友裕取之遂圍
時溥於徐州朱瑾以兵二萬救溥友裕敗瑾於石佛山
瑾走朱友恭讒之太祖以為瑾可追而友裕不追太祖
大怒奪其兵屬龐師古以友裕屬吏使者誤致書於友

裕友裕惶恐不知所為賴張皇后教之得免權知許州
招撫流散增戶三萬餘遷諸軍都指揮使與平克鄆崔
洪奔淮南友裕引兵定蔡州太祖兼鎮護國軍以友裕
為留後遷忠武軍節度使太祖攻邠州友裕破靈臺良
原下隴州楊崇本以邠州降復叛遣友裕攻之卒於軍
開平三年追封柳王

庶人友珪者太祖初鎮宣武略地宋毫間與逆旅婦人
野合而生長而辯黠多智開平元年封郢王友文者本

姓康名勤太祖養以為子為度支鹽鐵制置使太祖用
兵四方友文征賦聚斂以供軍費太祖即位以故所領
宣武宣義天平護國四鎮征賦置建昌宮總之以友文
為使封博王太祖幸西都友文留守東京時友裕已卒
嫡嗣未立心嘗屬友文太祖自張皇后崩無繼室諸子
在鎮皆邀其婦入侍友文妻王氏有色尤寵之太祖病
久王氏與友珪妻張氏嘗專房侍疾太祖病少間謂王
氏曰吾知終不起汝之東都召友文來吾與之決以友

珪為萊州刺史趣之任太祖素剛暴既病而喜怒難測時左降者必有後命友珪大懼張氏曰官家以傳國寶與王氏使如東都召友文君今受禍矣夫婦相對泣左右勸友珪曰事急計生何不早自圖友珪乃微服入左龍虎軍見統軍韓勅計事夜以牙兵五百雜控鶴衛士入漏三鼓斬關入萬春門至寢中侍疾者皆走太祖惶駭起呼曰逆賊忍殺父乎友珪親吏馮延諤以劒犯太祖太祖旋柱而走劒擊柱者三太祖墮仆于牀延諤以

劒中之洞其腹腸胃皆流友珪以裊褥裹之瘞寢中秘
喪四日乃出府庫大賚羣臣及諸軍矯詔殺友文於東
都乃發喪以乾化二年六月既望於柩前即皇帝位拜
韓勅忠武軍節度使明年正月祀天於洛陽南郊改元
鳳厯末帝與袁象先趙巖等謀討賊二月象先以禁兵
入宮友珪與妻趨北垣樓下將踰城走不果使馮廷諤
進刃廷諤亦自殺末帝即位復友文官爵廢友珪為庶
人

友璋開平元年與友雍友徽同封友璋福王友雍賀王友徽建王友璋初為壽州團練使押左右番殿直監豐德庫友珪時為鄆州留後末帝時為忠武武寧節度使皆不知其所終

友孜

按通鑑及五代會要皆作友敬

末帝初封康王目重瞳子嘗自負

當為天子貞明元年末帝德妃薨將葬友孜使刺客夜入寢中末帝方寐夢人害已既寤聞榻上寶劍鎗然有聲躍起抽劍曰將有變邪索寢中得刺客手殺之遂誅

友孜

後唐

太祖四弟

克讓

克修

克恭

克寧

太祖諸子

莊宗諸子

繼岌

明宗諸子

從璟

從榮

從益

明宗諸姪

從璨

從璋

從溫

從敏

廢帝諸子

重吉

重美

太祖四弟曰克讓克修克恭克寧克修父德成於太祖

為從兄弟

從薛史增

餘不知其父母名號

按李嗣昭傳太祖命弟克柔養以為

子則四人外尚有克柔史闕載又懿祖紀年錄載克用兄克恭克儉皆伏誅克恭事見後非太祖起兵時誅克

儉亦無考

錄似有誤

克讓少善騎射為振武軍校從討王仙芝以功拜金吾

衛將軍留京師李氏自憲宗時以部族歸唐唐處之河

西嘗遣一子宿衛京師賜第親仁坊太祖起兵雲中殺

唐守將段文楚唐發兵討太祖遣王處存以兵圍親仁

坊捕之克讓與其僕何相溫石的厯等十餘騎彎弦躍

馬突圍而出處存以千餘人追至渭橋克讓等射殺百餘人追兵乃止克讓奔鴈門明年太祖復歸唐克讓還宿衛京師黃巢犯長安克讓守潼關為賊所敗奔南山佛寺為寺僧所殺

按克讓奔鴈門事見太祖紀年錄及薛史守潼關事亦見薛史通鑑考異

云國昌猶自請討克用朝廷未必誅其子又云國昌以乾符五年不受代發兵討之六年未嘗昭雪克讓何從得入宿衛廣明元年國昌父子兵敗逃入遼其年冬黃巢陷長安克讓何嘗守潼關事甚難明考異所駁皆有依據歐史蓋仍薛史舊文而未加深考耳

克修字崇遠從討龐勛以功拜朔州刺史太祖鎮鴈門

以為奉誠軍使從討黃巢為先鋒遷左營軍使孟方立
遷於邢州晉取潞表為昭義軍節度使數出山東擊方
立又與李罕之攻戰懷孟間太祖自將擊方立還軍過
潞克修性儉嗇供饋甚薄太祖大怒詔而笞之克修慚
憤發疾卒子嗣弼嗣肱嗣弼為涿州刺史天祐十一年
契丹攻破涿州歿于虜嗣肱少有膽畧從周德威數立
戰功為馬步軍都虞候從李存審敗梁軍于胡壁解薊
縣之圍以功歷蔚澤代三州刺史新州王郁叛晉入契

丹山後諸州皆叛嗣肱取媯儒武三州拜新州刺史山
北都團練使同光元年卒

克恭初為決勝軍使克修卒以克恭代克修為人簡儉
潞人素安其政且哀其見笞以死而克恭橫暴多不法
又不習軍事潞人皆怨克恭選後院勁兵五百人獻于
太祖行至銅鞮其將馮霸以其徒叛太祖遣李元審討
之戰于沁水元審大敗奔入潞州牙將安居受亦叛殺
克恭及元審使人召霸霸不受命居受懼而出奔行至

長子為野人所殺傳首于霸霸乃入潞州自稱留後以附于梁

克寧為人仁孝居諸兄弟中最賢事太祖小心翼翼太祖與赫連鐸李可舉戰雲蔚間後奔達靼入破黃巢克寧未嘗不從太祖鎮太原以為內外都制置蕃漢都知兵馬使檢校太保振武軍節度使軍中事大小皆決焉太祖病召莊宗屬張承業與克寧曰以亞子累公等太祖崩莊宗告于克寧曰兒孤稚恐不足當大事季父勲

德俱高敢以軍府煩季父以待兒之有力克寧曰吾兄以兒屬我誰敢易之因北面再拜賀莊宗乃即晉王位太祖初起時所得驍勇士多養以為子諸養子亦多立戰功故尤寵愛之衣服禮秩如嫡麾下皆有精兵恃功自恣自先王時常見優假及王新立年少或託疾不朝或見而不拜養子存顥存實告克寧曰兄亡弟及古之道也以叔拜姪理豈安乎人生富貴當自取之克寧曰吾家三世父慈子孝先王土宇苟有所歸吾復何求克

寧妻孟氏素剛悍存顯等各遣其妻入說孟氏數以迫
克寧克寧仁而無斷惑羣言遂至於禍克寧素與張承
業李存璋有隙會以事殺都虞候李存質又求兼領大
同軍節度使於是幸臣史敬鎔見太后告克寧與存顯
將謀執王及太后以降梁莊宗召承業存璋告之承業
等請誅克寧乃伏兵於府置酒大會克寧至執而殺之
太祖子八人莊宗長子也次曰存美存霸存禮存渥存

乂存確存紀

按通鑑氏叔琮晉絳之勝禽克用子廷鸞
蓋據梁太祖實錄又羅弘信傳洹水之役

梁禽晉王子落落送弘信殺之通鑑載其官為鐵林指揮使則太祖子尚有廷鸞落落二人且既能歷戰陣為軍使必非初稚史不為立傳乃闕筆蓋存霸存渥存紀與莊宗同母存美

存乂存確存禮不知其母名氏號位同光三年詔存美封邕王存霸永王存禮薛王存渥申王存乂睦王存確通王存紀雅王存乂歷建雄保大二軍節度使娶郭崇韜女時魏州妖人楊千郎自言有墨子術能役使鬼神化丹砂水銀莊宗神之拜檢校尚書郎賜紫其妻出入宮禁承恩寵士或因以求官爵存乂及存渥等往往朋

淫于其家及崇韜被族莊宗遣宦官陰察外議宦官欲盡誅崇韜親黨以絕後患乃誣言存又過千郎家酒酣攘臂號泣為婦翁稱冤言甚怨望莊宗大怒以兵圍其第而族之并誅千郎存霸厯昭義天平河中三軍節度使存渥義成天平二軍節度使皆居京師食其俸祿而已趙在禮作亂乃遣存霸之河中莊宗再幸汜水徙存霸北京留守存渥河中節度使宣麻未訖郭從謙反攻興教門存渥從莊宗拒賊莊宗中流矢崩存渥與劉皇

后同奔太原至風谷為部下所殺存霸聞亂亦自河中奔太原麾下皆散走乃剪髮為僧亦為軍衆所砍殺存紀存確聞郭從謙反奔匿南山民家明宗詔諸王出奔所至送赴闕如不幸物故者收瘞以聞存紀等所匿民家以告安重誨重誨與霍彥威謀即民家殺之存美素病風居太原與存禮皆不知其所終

徐無黨曰莊宗七弟所書事迹不以

長幼為次者各因其死之先後而書之便於述事爾無定法也

莊宗五子長曰繼岌其次繼潼繼嵩繼蟾繼峽繼岌母

曰劉皇后其四皆不著其母名號

繼岌莊宗即位為北都留守判六軍諸衛事遷檢校太尉同中書門下平章事豆盧革為相建言唐故事皇子皆為宮使因以鄴宮為興聖宮以繼岌為使同光三年封魏王是歲伐蜀以繼岌為西南面行營都統郭崇韜為都招討使工部尚書任圜翰林學士李愚皆參軍事九月戊申將兵六萬自鳳翔入大散關軍無十日糧而所至州鎮皆迎降遂食其粟至興州蜀將程奉璉以五

百騎降因修閣道以過唐軍王衍以五千人逆戰于三
泉為先鋒康延孝所敗衍懼斷吉栢江浮橋奔歸成都
軍自文州間道入十月己酉至綿州衍上牋請降丙辰
入成都自出師至受降凡七十五日繼岌雖為都統而
軍政號令一出崇韜初莊宗遣宦者供奉官李從襲監
中軍高品李廷安呂知柔為典謁從襲等素惡崇韜又
見其專軍事益不平之及破蜀王宗弼等爭以蜀寶貨
妓樂奉崇韜父子而魏王所得匹馬束帛唾壺塵柄而

已崇韜日決事將吏賓客趨走盈庭而都統府唯大將
晨謁衙門閤然從襲等不勝憤已而宗弼率蜀人見繼
岌請留崇韜鎮蜀從襲等因言崇韜有異志勸繼岌為
備繼岌謂崇韜曰陛下倚侍中如衡華尊之廟堂之上
期以一天下而制四夷必不棄元老於蠻夷之地此事
非予敢知也莊宗聞崇韜欲留蜀亦不悅遣宦者向延
嗣趣班師崇韜不禮於延嗣從襲等因共搆之延嗣還
具言崇韜有異志恐危魏王劉皇后涕泣請保全繼岌

莊宗遣宦官馬彥珪往視崇韜去就時兩川新定孟知祥未至所在盜賊亡聚山林崇韜方遣任圜等分出招集恐後生變故師未即還彥珪將行劉皇后自為教與繼岌使殺崇韜明年正月崇韜留任圜守蜀以待知祥之至班師有日彥珪至出皇后教示繼岌繼岌曰今大軍將發未有釁端豈可作此負心事從襲等泣曰今有密敕苟不行崇韜知之吾屬無類矣繼岌曰上無詔徒以皇后手教安能殺招討使從襲等力爭不得已從之

詰旦乃以都統命名崇韜繼岌登樓避之崇韜入升階
繼岌從者李環撾碎其首遂班師二月軍至泥溪先鋒
康延孝叛據漢州繼岌遣任圜討平之四月至興平聞
明宗兵入京師欲退保鳳翔至武功從襲勸馳歸京師
以救內難行至渭河西都留守張錢斷浮橋不得渡乃
循河而東至渭南左右皆潰從襲謂繼岌曰大事已去
福不可再王宜自圖繼岌徘徊泣下命李環縊之而死
任圜從後至葬繼岌於華州西南繼岌少病闇無子明

宗已即位圜率征蜀之師二萬還京師明宗問繼岌何在圜具言死狀繼嵩繼潼繼蟾繼嶢同光三年皆為光祿大夫檢校司徒後不知所終

明宗四子曰從璟從榮愍帝從益

從璟初名從審驍勇善戰而謙退謹敕從莊宗戰數有功為金槍指揮使明宗軍變於魏莊宗謂從璟曰爾父於國有大功忠孝之心朕自明信今為亂軍所逼爾宜往宣朕意從璟馳至衛州為元行欽所執將殺之從璟

願歸衛天子乃釋之莊宗憐之賜名從璟以為已子從莊宗如汴州將士多道亡獨從璟不去左右或勸其逃禍從璟不聽莊宗聞明宗已渡黎陽復欲遣從璟通問行欽以為不可遂殺之明宗即位贈太保

從榮天成元年以檢校司徒兼御史大夫拜天雄軍節度使同中書門下平章事三年徙鎮河東長興元年拜河南尹兼判六軍諸衛事從璟死從榮於諸皇子次最長又握兵柄為人輕脫而鷹視多招後生浮薄之徒日

進諛佞以驕其心自將相大臣皆患之明宗頗知其非而不能裁制是歲秋封秦王故事諸王受封不朝廟有司希旨欲重其禮乃建議告廟於是從榮朝服乘輅車具鹵簿至朝堂受冊出載冊以車朝於太廟三年加兼中書令有司又言故事親王班宰相下今秦王位高而班下不稱於是與宰相分班而居右四年加尚書令太僕少卿何澤請立從榮為皇太子時明宗已病得澤書不悅召大臣議皆莫敢可否從榮入白曰臣聞姦人言

欲立臣為太子臣實不願也明宗曰此羣臣之欲爾從
榮出見范延光趙延壽等曰諸公議欲立吾為太子是
欲奪吾兵柄而幽之東宮耳延光等患之乃加從榮天
下兵馬大元帥有司又請自節度使以下凡領兵職者
皆具橐鞬以軍禮庭參其兼同中書門下平章事者初
見亦如之後許如客禮凡元帥府文符行天下皆用帖
文班在宰相上從榮大宴元帥府諸將頒賚有差又請
嚴衛捧聖千人為牙兵每入朝以數百騎先後張弓挾

矢馳走道上見者震懾從榮又命其僚屬及四方游士
試作征淮檄陳已所以平一天下之意言事者請為諸
王擇師傅宰相請從榮自擇從榮乃請翰林學士崔棣
刑部侍郎任贊為元帥判官明宗曰學士代予言不可
也從榮出而恚曰任以元帥而不得請屬寮非吾所諭
也將相大臣見從榮權位益隆而輕脫如此皆知其禍
莫敢言延光延壽數見明宗涕泣求解樞密二人皆引
去而從榮之難作十一月戊子雪明宗幸宮西士和亭

得傷寒疾已丑從榮與樞密使朱弘昭馮贊入問起居
於廣壽殿帝不能知人王淑妃告曰從榮在此又曰弘
昭等在此皆不應從榮等去乃遷于雍和殿宮中皆慟
哭夜半而蘇至旦疾少愈從榮稱疾不朝初從榮忌宋
王從厚賢于已懼不得為嗣其入問疾也見帝已不知
人既去而聞宮中哭聲乃謀以兵入宮使其押衙馬處
鈞告弘昭等欲以牙兵入宿衛問何所可居弘昭等對
以王自擇因私謂處鈞曰聖上萬福王宜竭力忠孝不

可草草處鈞具以告從榮還遣處鈞語弘昭等曰爾輩不念家族乎弘昭贊及宣徽使孟漢瓊等入告王淑妃謀曰此事須得侍衛兵馬為助乃召侍衛指揮使康義誠謀於竹林之下義誠有子在王府未敢決其謀乃曰僕為將校惟公使弘昭大懼明日從榮遣處鈞告贊曰吾今日入居興聖宮又告義誠義誠許諾贊即馳入內見義誠及弘昭漢瓊等坐中興殿閣議贊責義誠曰主上畜養吾徒為今日爾今安危之機間不容髮奈何以

子故懷顧望使秦王得至此門主上安歸乎吾輩復有
種乎漢瓊曰賤命不足惜吾自率兵拒之即入見曰從
榮反兵已攻端門明宗問弘昭等皆曰實有之明宗以
手指天泣下良久曰義誠自處置毋令震京師命潞王
子重吉以控鶴兵守宮門是日從榮自河南府擁兵千
人出從榮僚屬甚衆以正直見惡者劉贊王居敏而昵
劉陟高輦兵出與陟輦並轡耳語行至天津橋南指曰
景謂輦曰明日而今誅王居敏矣因陣於橋北據胡牀

坐使人召康義誠而端門已閉叩左掖門亦閉於隙中見捧聖指揮使朱弘實率騎兵從北來從榮驚懼皇城使安從益率騎兵衝之從榮兵射之從益稍却弘實兵自左掖門出方渡河後軍來者甚衆從榮乃走歸河南府夫妻匿牀下從益殺之明宗聞從榮已死悲咽幾墮於榻絕而蘇者再馮道率百僚入見明宗曰吾家事若此慙見羣臣君臣相顧泣下從榮二子尚幼皆從死後六日而明宗崩

從益不知其所自出明宗命王淑妃母之長興四年封
許王從益乳母司衣王氏見明宗老而秦王握兵心欲
自託為後計乃曰兒思秦王時將從益往來秦府遂與
從榮通從榮因使伺宮中動靜從榮誅王氏出怨言慙
帝聞之大怒賜王氏死待從益甚薄晉高祖入從益從
其母匿以免天福四年詔以郇國三千戶封唐許王從
益為郇國公以奉唐祀常從其母往來京師洛陽耶律
德光之北歸也留蕭翰守汴州漢高祖起太原翰欲北

去乃使人召從益委以中國從益子母俱逃徽陵域中
使者迫以東遂以從益權知南朝軍國事從益御乾元
殿翰率契丹諸將拜殿上晉羣臣拜殿下羣臣入謁太
妃妃曰吾家子母孤弱為翰所迫此豈福耶禍行至矣
乃以王松趙上交為左右丞相李式翟光鄴為樞密使
燕將劉祚為侍衛親軍都指揮使翰留契丹兵千人屬
祚而去漢高祖擁兵而南從益召高行周武行德等為
拒皆不至乃謀以燕兵閉城自守妃曰吾家亡國之餘

安敢與人爭天下乃遣人上書迎漢高祖高祖聞其嘗召行周遣郭從義先入京師段妃母子妃臨死呼曰吾家母子何罪何不留吾兒使每歲寒食持一盂飯灑明宗墳上聞者悲之從益死時年十七

明宗兄弟皆不見于世家而有侄四人曰從璨從璋從溫從敏

從璨

按五代會要作明宗第四子

初為右衛大將軍安重誨用事諸

王將相皆下之從璨不為屈而性倜儻好施重誨忌之

明宗幸汴州以從璟為大內皇城使嘗於會節園飲酒
酣戲登御榻重誨奏其事貶房州司戶參軍賜死重誨
誅詔復其官贈太保

從璋字子良少善騎射莊宗時將兵戍常山間明宗兵
變于魏乃亦起兵據邢州明宗即位累拜彰國軍節度
使徙鎮義成坐引弓射其從事罷為右驍衛上將軍久
之出鎮保義徙河中長興四年封洋王晉高祖立徙鎮
威勝降封隴西郡公從璋為人貪鄙晚始折節自修在

南陽頗有遺愛天福二年卒子重俊出帝時為刺史坐
賊以太后故不問復坐與妹姦又殺僕掠其妻賜死

從溫字德基初為北京副留守歷安國忠武義武義德
武寧五節度使封充王晉高祖立復為忠武軍節度使
從溫貪鄙多僭作天子器服宗族賓客諫之不聽其妻
關氏大呼于牙門曰從溫欲反而造天子服器從溫大
恐乃悉毀之明宗諸子八人至晉出帝時六已亡歿惟
從溫從敏在

按明宗子姪合計適符八人之數然此時
所存者從溫從敏而外尚有許王從益不

得云六已亡歿且愍帝即位成君亦未便下諸子也
若事指兄弟之子則前已云有姪四人矣璋璣而外更
無可舉此處
必有闕謫
太后常曰吾惟一兄豈可繩以法從溫由

此益驕嘗誣親吏薛仁嗣等為盜悉籍沒其家貲數千
萬仁嗣等詣闕訴具伏竟以太后故不問開運二年徙
河陽三城卒于官

從敏字叔達初從莊宗為馬步軍都指揮使兼行軍司
馬明宗入立遷皇城使保義軍節度使與討王都歷鎮
橫海義武成德歸德保義昭義河陽封涇王漢高祖時

為西京留守封秦國公周廣順元年卒贈中書令謚恭惠

廢帝二子曰重吉重美

重吉明宗時為控鶴指揮使廢帝鎮鳳翔有女為尼號

幼澄

通鑑作惠明

與重吉俱留京師控鶴親兵也愍帝即位

不欲重吉掌親兵乃出為亳州團練使居幼澄于禁中

又徙廢帝北京廢帝自疑乃反愍帝遣人殺重吉于京

州幼澄亦死

重美幼明敏如成人廢帝即位自左衛上將軍領成德軍節度使兼河南尹判六軍諸衛事改領天雄軍節度使同中書門下平章事封雍王石敬瑭反廢帝欲北征重美謂宜持重固請毋行廢帝心不欲往以重美為然而為劉延皓等所迫遂如河陽留重美守京師京師居民震恐皆出城藏竄門者禁之重美曰國家多難不能與民為主而禁其避禍乎因縱民出及晉兵將至劉皇后欲焚宮重美曰新天子至必不露坐他日重勞民力

取怨身後耳后以為然廢帝自焚后及重美與俱死

晉

高祖從父

高祖兄弟

敬威

敬贇

敬暉

高祖諸子

重信

重義

重睿

出帝諸子

延煦

延寶

高祖二叔父一兄六弟七子二孫或失其事實抑亦無足稱焉者粗存其見者以備闕云二叔父曰萬友萬詮兄曰敬儒弟曰敬威敬德敬殷敬贊敬暉重肩子曰出帝重信重義重英重進重睿重杲孫曰延煦延寶

孝平皇帝生孝元皇帝萬友萬詮孝元皇帝生高祖萬友生敬威敬贊萬詮生敬暉而敬儒敬德敬殷重肩皆不知其於高祖為親疎也高祖孝元皇帝第二子也而

敬儒為兄疑其長子也則於高祖屬長而親然贈官反
最後於諸弟而高祖世獨不得追封此又可疑也重肩
高祖弟也高祖愛之養以為子故於名加重而下齒諸
子高祖叔兄與弟敬殷子重進皆前即位卒而敬威敬
德重肩重英高祖反時死高祖少子曰馮六而舊說以
重睿為幼子者非也石氏世事軍中萬友萬詮職卑不
見天福二年萬友自故金紫光祿大夫檢校司徒兼御
史大夫上柱國贈太師萬詮亦自金紫光祿大夫檢校

司空兼御史大夫上柱國贈太傳出帝天福八年追封萬友秦王萬詮加贈太師封趙王

敬威字奉信少善騎射事後唐莊宗以戰功厯官兵部

尚書

據薛史增

廢帝時以都指揮使領常州刺史聞高祖舉

兵太原謂人曰人生孰不死吾兄方舉大事吾不可偷

生取辱遂自殺敬德時為沂州馬步軍指揮使以高祖

反誅天福三年贈敬威敬德皆為太傅并敬殷亦以檢

校太子賓客贈太傅而不及敬儒七年追封敬威廣王

敬德福王敬殷通王皆贈太尉敬儒始以故金紫光祿大夫檢校尚書左僕射兼御史大夫上柱國贈太傅而獨不得封出帝天福八年加贈三皇叔皆為太師而皇伯敬儒始追封宋王亦加贈太師

敬贊字德和少無賴竄身民間高祖求得之補太原牙將即位累拜河陽三城節度使性貪暴高祖為擇賢佐吏敬贊亦憚高祖嚴未嘗敢犯法歲餘徙鎮保義出帝時始漸驕恣帝常遣使者至必問小姪安否陝人苦其

金史卷一百八十七
暴召還京師不能責也契丹侵邊使以兵備汶陽守麻
家渡皆無功開運初以曹州為威信軍復授為節度使
在曹貪暴尤甚久之召還張彥澤兵入京師敬贇夜踰
城墮濠溺死

敬暉字德昭高祖尤愛之張敬達圍晉陽敬暉為突騎
都將嘗以所部出敵不意邀戰高祖壯之

據冊府元龜

即位

以為曹州防禦使以廉儉見稱卒于官贈太傅天福八
年加贈太師追封韓王子曦嗣

高祖李皇后生楚王重信其諸子皆不知其母當高祖

起太原重英

通鑑作重殷

為右衛將軍重胤為皇城副使居

京師聞高祖舉事匿民家井中捕得誅之天福二年高祖為二子發哀皆贈太保并重進亦以故左金吾衛將軍贈太保七年皆加贈太傅追封重英號王重胤鄭王重進夔王出帝天福八年皆加贈太師

重信字守孚天福二年拜河陽三城節度使有善政是歲范延光反詔前靈武節度使張從賓發河陽兵討延光從賓亦反重

信見殺高祖欲贈重信太保大臣引漢故事皇子無為三公者高祖曰此兒為善被禍吾哀之甚自我而已豈有例耶乃贈太尉七年加贈太師追封沂王出帝天福八年易封楚王

重義

薛史通鑑會要皆作重义

字弘理高祖即位拜左驍衛將軍高

祖幸汴州以為東都留守張從賓反攻河南見殺贈太傅天福七年加贈太尉追封壽王出帝天福八年加贈太師皆無子

重睿貌類高祖高祖卧疾宰相馮道見卧内重睿尚幼高祖呼出拜道使宦者抱寘道懷中高祖崩晉大臣以國家多事議立長君而景延廣已陰許立出帝重睿遂不得立出帝以重睿為太保檢校開封尹開運二年拜雄武軍節度使徙忠武皆不之鎮契丹滅晉從出帝北遷不知所終

重杲高祖幼子也小字馮六未名而卒贈太傅追封陳王賜名重杲出帝天福八年加贈太師

延煦延寶高祖諸孫也出帝以為子開運二年以延煦為鄭州刺史少不能視事以一宦者從之又選尚書郎路航參知州事宦者專政每詬辱航乃召航還已而徙延煦齊州防禦使以延寶代三年拜延煦鎮寧軍節度使時河北用兵天下旱蝗民餓死者百萬計而諸鎮爭為聚斂趙在禮所積鉅萬出帝利其貲乃以延煦娶在禮女遣宗正卿石光贊以聘幣一百五十床迎于其第出帝宴在禮萬歲殿賜予甚厚在禮謂人曰吾此一婚

其費千萬十一月徙鎮保義契丹滅晉出帝與皇太后
遣延煦延寶齎降表玉璽金印以歸契丹延寶時已為
威信軍節度使矣契丹得璽以為製作非工與前史所
傳異命延煦等還報求真璽出帝以狀答曰頃王從珂
自焚於洛陽玉璽不知所在疑已焚之先帝受命命玉
工製此璽在位羣臣皆知之乃已後延煦等從帝北遷
不知所終

漢

高祖諸弟

信

高祖諸子

承勲

贊

高祖二弟曰崇曰信崇事具載記

信高祖從弟也高祖鎮太原以為興捷軍都指揮使領義成軍節度使徙領許州高祖寢疾隱帝當立為嗣楊邠等不欲信在京師乃遣就鎮信涕泣而去信所至躡

貨好殺戮軍士有犯法者信召其妻子對之剖剔支解使自食其肉血流盈前信命樂飲酒自如也楊邠等死信大喜謂其僚佐曰吾嘗謂天無眼而使我鬱鬱於此者三年矣主上孤立幾落賊手諸公可勸我一杯矣已而聞難作憂不能食周太祖軍變於澶州王峻遣馬鐸以兵巡檢許州信乃自殺周太祖即位追封蔡王

高祖三子曰承訓隱帝承勲以弟崇之子為子曰贊承訓長而賢高祖愛之方屬以為嗣而薨追封魏王

承勲為開封尹隱帝遇弑羣臣請立承勲太后以承勲
久病不任為嗣羣臣請見承勲視起居太后命以卧榻
舁出見羣臣視之信乃不立周廣順元年以疾卒追封

陳王

贊隱帝時為徐州節度使周太祖入京師以為漢大臣
必相推戴及見宰相馮道等殊無意太祖不得已見道
猶下拜道受太祖拜如平時徐勞之曰公行良苦太祖

意色皆沮

通鑑考異云周祖舉兵既克京城所以不即
為帝者蓋以漢之宗室崇在河東信在許州

贊在徐州若遽代漢慮三鎮舉兵以興復為辭則中外
必有響應者故陽稱輔立宗子信素庸愚不足畏贊乃
崇子故迎贊而立之使兩鎮息謀俟其離徐已遠去京
稍近然後并信除之則三鎮去其二矣然後自立則所
與為敵者唯崇而已此其謀也豈馮道受拜之所能沮
乎案考異此說能得當日情勢且足闢一時推服馮道
謬之

因白漢太后擇立漢嗣乃遣太師馮道率羣臣迎贊
道揣周太祖意不在贊謂太祖曰公此舉由衷乎太祖
指天為誓道見贊傳太后意召之贊至宋州太祖自瀘
州為兵士擁還京師王峻慮贊左右生變遣侍衛馬軍
指揮使郭崇以兵衛贊奪贊部下兵召道先歸留其副

趙上交王度奉贊入朝太后道乃先還贊謂道曰寡人
此來所恃者公三十年舊相是以不疑道默然贊客將
賈正等數目道欲圖之贊曰勿草草事豈出於公道已
去崇幽贊外館太祖已監國以太后誥降授贊開府儀
同三司檢校太師上柱國封湘陰公尋以幽死贊之入
也以都押衙鞏庭美教練使楊溫守徐州庭美等聞贊
不得立乃閉城拒命太祖拜王彥超徐州節度使下詔
諭庭美等許以刺史并詔贊赦庭美等廣順元年三月

彥超克徐州庭美等皆見殺

周

太祖諸子

柴守禮

世宗諸子

太祖子二人曰青哥意哥不知其母誰氏太祖舉兵於
魏漢以兵圍太祖第青哥意哥姪守筠奉超定哥皆被
誅太祖遂無子養后兄柴守禮之子為子是謂世宗太
祖即位詔故第二子青哥贈太尉賜名侗第三子意哥

贈司空賜名信皇姪守筠贈左領軍大將軍更名守愿
奉超贈左監軍衛將軍定哥贈左千牛衛將軍賜名遜
顯德四年追封侗剡王信杞王

柴守禮字克讓以后族拜銀青光祿大夫檢校禮部尚
書兼御史大夫世宗即位加金紫光祿大夫檢校司空
光祿卿致仕居于洛陽終世宗世未嘗至京師左右亦
莫敢言第以元舅禮之守禮頗恣橫嘗殺人於市有司
以聞世宗不問時王溥汪晏王彥超韓令坤等同時將

相皆有父在洛陽與守禮朝夕往來洛陽人多畏避之

號十阿父守禮卒年七十二官至太傅

據守禮為世宗之父歐史北於

宗室列之家人傳中今仍其舊

世宗子七人長曰宜哥次三皆未名次恭帝次熙讓熙謹熙誨皆不知其母誰氏宜哥與其二皆為漢誅太祖即位詔賜皇孫名誼贈左驍衛大將軍誠左武衛大將軍誠左屯衛大將軍顯德四年追封誼越王誠吳王誠韓王而皇子在者皆不封六年北復三關遇疾還京師

始封宗訓為梁王宗讓亦封燕國公後十日而世宗崩
梁王即位是為恭帝宗讓更名熙讓封曹王熙謹紀王
熙誨蘄王宋乾德二年熙謹卒熙讓熙誨不知所終



欽定續通志卷一百八十七